



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 10. Secunda Nestorii ad S. Cyrillum Epistola.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V. A. C. 430. *quam: quibus Deus Mysteriorum suorum Prædicationem commisit, & secundum quam illi judicabuntur, quos erudierimus? quippe in Die Judicii dicent, talem se fidem servasse, qualem a nobis acceperant. Unusquisque Laicorum de vita sua rationem reddet, nos vero pro omnibus, qui in Jesum Christum credunt. Injuriarum, & calumniarum nulla mihi cura est; lubentissime obliviscor, Deus judicabit. Fidem ante omnia salvemus, tum non concedam, ut meliorem me amicum Nestorius habeat. Coram Deo dico! opto, ut plenus Gloria sit in Jesu Christo, præteriti temporis noxas delet, & putidas fuisse calumnias demonstret. Si jubemur, inimicos nostros diligere, quanto magis Fratres, & Collegas nostros amare tenemur? Si quis vero fidem prodat, statutum est nobis, animas nostras non perdere, etiam cum vitæ periculo. Si aliter comparati sumus, qua fronte coram populo Elogia Martyrum denuntiare audebimus?*

§. X.

Secunda Nestorii ad S. Cyrillum Epistola.

Conc. Eph. p. 1. c. 9. Merc. Garn. p. 57. Nestorius, accepta S. Cyrilli secunda Epistola fusius, acerbiusque respondit. Hortatur, ut majori attentione veterum Scripta legat, & accusat dixisse, Ver-

Verbum divinum fuisse passibile, quamvis S. Cyprianus hoc expresse negasset. Unitatem Personæ admittere videtur, dum dicit, Nomen Christi significare substantiam impassibilem in una Persona singulari, & passibili, *en Monadico Profopo*, & duas Naturas in una Persona connexas, *eis henos profopon synapbeian*. Verumtamen sub his vocibus, ut ex iis deprehenditur, quæ alibi scripsit, nil nisi unionem Voluntatis, & Dignitatis exprimere volebat, ita ut Deus, & homo unam Personam unione morali, non reali constituerent. Hinc voce, Hypostasis, non utitur, sed *Profopon*, quæ græce non æque, ac latine vocem, Persona, exprimit. Adhibet etiam vocem, *Synapbeia*, connexio, & non *Henosis*, seu unio. Affirmat, sanctam Virginem solum Matrem Christi, *Christotocos*, non autem Matrem Dei, *Theotocos*, esse appellandum; quia, etsi Jesu Christi Corpus sit Templum divinitatis, tamen divinitati carnis proprietates attribui non possunt, quales sunt, natum esse, passum, mortuum, & qui hæc dicerent, ab erroribus Gentilium, Apollinaris, Arii, aliorumque Hæreticorum non esse alienos. In eo Nestorius continuo S. Cyrillo falsum imponit, ac si dixisset, Divinitatem ex Maria natam esse, vel mortuam, cum nihil aliud affirmasset, quam, Verbum divinum secundum

Sæculum V.

A. C. 430.

Sæculum V. dum humanitatem, quam assumpsit, na-
 A. C. 430. tum esse, & mortuum.

n.16.

Dicit inferius Nestorius: *Placet mihi zelus, quo de iis, qui apud nos scandalum passi sunt, curam geris; sed scias, decipi te ab iis, quos hic Sanctum Concilium, quod Manichæi sint, deposuit, & ab ipsis tuis Clericis. Nam quantum attinet ad Ecclesiam nostram, in dies perficitur, populus clariorem Dei cognitionem acquirit, Cæsaream Domum summum Gaudium tenet, quod Doctrina explicetur, & fides Catholica super omnes Hæreses prævaleat.* Concilium, de quo Nestorius hic mentionem ingerit, Constantinopoli anno 429. actum videtur; Manichæi, ut Nestorius quidem loquitur, in eo condemnati, forte Mercator, aliique Catholici, bono zelo in Pelagianos ardentes, fuerint. Quippe, hortante Mercatore, Celestius, Julianus cum aliis Pelagianis Constantinopoli ejecti fuerant, nobisque superest una Epistola consolatoria, a Nestorio ad Celestium data. Aliunde autem scimus, vulgarem Pelagianorum, Catholicos criminantium, objectionem, Manichæos esse. Ad hoc Concilium verosimiliter vocatus fuit Presbyter Philippus Constantinopolitanus, unus eorum, qui ad Electionem Episcopi fuerant propositi. Hunc, cum errores Nestorii reprehenderet, & ultra
 cum

v. Garnier.
 not. hic

commonit.
 tit.

ap. Garnier.
 p.1. pag.71.
 Cammon.
 Cyr. ad Pos-
 sid.

cum eo communicare nollet, instigante Nestorio, Celestius accusavit, quod Manichæus esset; tum eundem, ut in Concilio compareret, vocari iussit; adfuit Philippus, causam suam defensurus, sed Celestius non comparuit. Ergo alia fraude usus est Nestorius, ut species iustæ condemnationis esset, nempe, quod Cœtus privatos egisset, & Oblationem domi suæ celebrasset, quamvis omnes Clerici testarentur, id, ita exigente occasione, ab ipsis quoque fieri. (*) Huic etiam Concilio verosimiliter tribuitur Canon, qui Concilio Ephesino falso adscribitur, & ita sonat: *Anathema! qui-
cunque dixerit, animam Adami per peccatum fuisse mortuam, cum Diabolus in cor hominis non intret.* His Canon Pelagianus erat.

Sæculum V.
A. C. 430.

Greg. lib. I. I
ep. 31.
v. Garnier.
2. part. p. 6; 1.

§. XI.

S. Cyrillus ad Imperatorem, & Principes scribit.

Cum S. Cyrillus ex Nestorii Epistola, p. I. Conc. præ-Ephes. c. 3. n. 6.

(*) Exemplum Missarum in Domibus, & non Ecclesiis publicis, celebratarum.

Unser Protestant hat in seiner Uebersetzung auf der 360. Seite das Wort: *Domi suæ*, in seinem Haus, ausgelassen. Man könnte denken, es sey ein bloßes Versehen, wenn er nicht sonst verdächtig wäre. Dieser Mann überzeuget sich selbst tausendmal in seiner Uebersetzung, daß er in der wahren Kirche nicht sey.